

Patrie dal Friul

DIREZION ■ AMINISTRAZION: UDIN, Contrade di Prampar 10, Telefôn 2618; GURIZZE, Viô Crispi 2, Telefon 187
ABONAMENZ: par un an in Italie 700 francs; fur d'Italie: 1400 francs

ROME NO A' TUART!

A Rome la Constituent 'e à, pe prime volte, disfate une jez che veve fate za qualchi mès: l'articul 108 ch'al meteve il Friul tal numar des Regions a ordenament speciâl. Cussì, par intant, 'o varin il Friul ricognossût come Regjon par cont so, ma sot di ch'è molen che si clame l'autonomie normâl.

'O regjistruin chesti scopule che nus à capitade, cence cirl di scuindi cetant fuarte che je: 'o fasin par di ch'è intindin benon il valôr di chei « provisoriamenti », ch'a'ndi al tant poeja doman a passâj par sore un colp di spugne. Il centralisim roman, ch'al torne ogni di plui a rinfrancjâsi, lu à metût il cun ch'è intenzion.

'O savevin che anche i d'fensôrs de camore burocratiche sparizâz pe Furlanie 'e vevin divist di moli il lôr colp quan che al s'aravignût il moment di stabilî il numar des Regions: ma 'o vin un fregul lusingâz che la Constituent 'e fos une cose avonde serie par rispiciâ la legalitât dai s'ei procediment « par no disclî nê ce che à dît ir.

No faserin comenz su chest cont parvie che un articul de costituzion, formulât che altre di, al proibis il « vilipendio » cuntri la suprema « assise » de republiche. (Chel al è un articul ch'al convenave e che nissun cîrâr di rimanjâlu: Di' nardi!).

Anzi 'o faserin di miet: a ricognossarin che l'Assemblee manau 'e à vût un pont di reson. Par fâ une ilegalitât di cheste fate, 'e à tirade fûr la scuse che il popul furlan nol domande ordenament speciâl, anzi! al è contrari.

Ualtris, amis, 'o saveis cetant che je vere ch'este... vorest. Ma chel... Cudignele che, prin di duc', le à lontac fûr, e la grande part dai « noverun » le àn fate buine, ce s'aravignât il nestris onorevui, che savevin alc, 'e jerin chenti a passâ l'ore là dal Jêur o in altris stiz). A Rome 'e jere rivade une sglavina: di mozioni e di protestis, di telegrams e di o. d. g. che valevin juste lis spesis di pueste, ma chei di là vie 'e sintin il pols dal pais cussì. De bande nestre di chest materai a'nd'ere rivât vie pœ, anche parœ che i furlans 'e son, sì, autonomisc, almanco il nonante par cent, ma no metin man al tacuin nancje par bati un telegram. Lôr 'e son autonomisc? - platonic: 'e spietin che l'autonomie ur capiti jù pe cope, che ur 'e regalin sore grazie. Lôr 'e sperin che Rome, la centrâl de mangjarie burocratiche, la cucagne dai cavallis e dai comandatôrs di miet in jù, si gjavî di bessole il fen di boeje par amor de Furlanie. (Dio bon, baste che noi sedi « vilipendio » anche chest!).

Al ven a stâj che chei dis par cent di masse svelz o di masse gnogos che son contraris, 'e son contraris pardabon, e pe lôr cause 'e lavôrîn, si remenân, 'e spindin; e chei nonante par cent che son a favôr 'e stan a viodi cemût che va,

enî biaz in crôs, cence movi un dêt o spendi un sentesin par judâ a tîgule su. Eise marivée se a Rome si crêt — o si fêse fente di crodi — che il popul furlan al rifude il regâl che i vevin fat o almanco no al romp nabeje a di grazie? Si puedial lamentâsi che sedi stade fate cheste ilegalitât, che infin dai conz 'e risulde democraticamentri justificade da cui sa cetantis statistichis? Il mont nol è fat paj indur-n'diz.

Cumò 'o sin a chest pont: o ch'al nâs un fat gnûf ch'al basti a fâ capi a chei di là jù ce ficjasse che àn fate, e quale che je la vere volontât, la vere necessitât dai furlans; e che, di chi a tre-quatri mès la Constituent 'e tire un sfris su chel « provisoriamenti » e anche cheste bielo ocasion che si veve di alâ il cîr di noi il jôf 'e sarâ lade a troi. 'O seguitarin a mantigui une sdrume di mangje-cjartis, a pajâ tassî par che vegni risanade la « question dal Meridion » a inzopedasi n'gai pit alât in qualche sarasin, a

strissinâ fagor par dut il mont, par fâ puest ai parons d'importazion, a ciantâ, fin che nus al permetaran « Oh ce biei cîsjet a Udin », a imbastidisi fintremai che i cucs 'e podarân fresei lis mans parœche la malandrete semenze dai furlans 'e sarâ piardude, l'unitât (!) spirituale 'e sarâ fate, e cheste tiare 'e sarâ diventade une provincie di Teronie.

Il fat gnûf al podares jessi chest cuil: che chel nonante par cent di furlans che si disere, sot di cheste gnospule al si dismovês, al si unîs di fûr di duc' i partiz — parœ che dai partiz nol è mai di infidâsi: 'e mandorin la barce secont la buere che soffe par lôr — al alzâ la vês, al metes adun la volontât, l'ativitât e anche, s'al covente, chel pedoglos di un tacuin e al dês man fuarte a chei pœs che piardin timp, flât, sedôr e interês in cheste campagne, par smascâr e stringhî come cuva tante cragne stomose che fermente sot lis patriotichis bandieris dai avversaris...

Ma lu vin dît tantis vokis e sim-pri dibant.

E alore 'e àn reson lôr: i furlans no bazilin di dispodgiasi; e cussì mo' che si rissin.

Post nubila Phoebus!

STORIE CURTE di une risuride svelte

Subite dopo la tombule dal baracon ditatoriâl, la burocrazie romane ch'al ven a jessi la travamente di chel baracon, 'e jere restade a nût, come il legnam di une cjase dopo un bombardament. Jonis, murai, dirinz, cantinelis, remenz, tres, dut al jere il distaponât e si podeve viodi ce servizi ch'al veve fat in ch'è mastodontiche costruzion: duc' 'e vevin ce di e ce cont su lis camoris, su lis vergognis, su lis colpis di chei pœ e di chei travarsins. Al è stât un brut quart d'ore. Po' dopo 'e rivade la manarie, 'e à butât jù, 'e à pestât, crevât, ecla-

pât qualchi trêf e qualchi linghi-nâl ca e là, come ch'al capivave. Ma dut no si podeve distâ, parœ che in mancjance di altris barachis, si scûgnive par riparâ e imblec almanco ce ch'al ere di plui san.

Cussì la grande part da l'armadure burocratiche 'e je restade lì, 'e je stade drezade, cuviarte cun altris cops, taponade cun tutt altre stabilidure, magari sildade e rinforzade cun qualchi sponon: 'e convenave. In cheste maniere, passade la prime sbigule e la prime vergogne, ch'è cragne là 'e à tornât a tirâ fîl: e a rimetisi in vore. Par un pœ cidine, che Di' nardi a tornâ a dismovi puzis, anche denant il disciadenâsi di une campagne antiburocratiche e anticentralistiche di là che duc' i partiz, cun plui o cun manco buinis intenzions, si davin la man.

Ma dopo, viodint di jessi indispensabil par tignû su la camore di un guviâr qualunque, la centrâl des camoris si è rinfrancade e solvie 'e à tacât a lavôr di bon bot par salvâsi dal pericul de scapadure autonomistiche. E no i mancin lis brisculis: la diseducazion pulitiche dal popul talian, la mancjance di competenze e di preparazion di gnôs elemenz, l'universâl disonestât che domande dute une cjadene di verificis e di controis, il jutori che di scuindon 'e scuignin dâi chei che uelî mantignîsi o quistâ il scagnut, 'e son dutis armis ben uzadis pe sô difese.

Cussì si viôt, di nue di a laltre, che il progjet des autonomis regionals, si scurte, si strenz, si ridûs a une burlete cence sostanza e cence dam pe criche centrâl: ogni scuse e ogni ocasion 'e je buine par moli a ne piache a chei pœs che cîrin di tignû dâr; e la bandiere de sacre unitât e des conquistis dal Risorgiment e va simpri di cane par incê i guognos. Al torne a meti fûr i enars il nazionalism plui sfrontât; al torne a strenzî lis sôs filis il militarism; 'e tornin lis rivâs, i sbandierament, lis zeremonis, si met un tacem 'es munturis sbregadis, 'e tornin a impiccolisi te lôr ande marzial i papavars de uere piardude furniz di patachis e di filistrins...

Par misurâ la strade fate in pœ mès al bastarès confrontâ la situazion, meîn a di, dal Bas Tîröl, come che jere za un an e come che je in di di uê: za un an i rappresentanz dal guviâr talian 'e jerin cujetins, premurôs, 'e glutivin mâr e spudêrin dolz; cumò cospetazzo, ce grinte, ce a fuart ch'è fexêlin, cun ce voli che ti cjalin, ce ben che mostrin di olê tornâ tes pusizions de cucagne litoric!

Ma par noaltris furlans nol ce vente lât tant lontan a cîri lis provis: 'o'ndi vin cjapade, ches' di ch'es cunestis une avonde salade!

STOMBLI

CINC BAUSIIS

La campagne cuntri l'autonomie speciâl dal Friul — che je campagne cuntri l'autonomie e baste, parœ che l'ordenament des regions internis nol puarte nissune autonomie, ma nome une cojonade e un gram di berdeis — 'e je stade tirade indenant cul predel di almanco cinc bausionis tant gnossis che nol è pussibil erodi nê te buine fede di chei che lis àn metudis fûr, nê te normâl inteligjenze di chei — s'and'è qualchidun — che lis àn erodudis.

La volontât dai furlans

Prime bausie: duc' i furlans 'e son contraris a un statut speciâl pe lôr regjon. Duc' i furlans 'e sarsin: une corantine di avocaz su dute o tresinte ch'and'è in Friul, une otantine di professors, la pini part di furvie, ma siet o vœcent che vivin nome to provincie di Udin: un centenâr (se and'ere tant) di ex soldâz su quasi centmil; e une dozene di politicanz e di interessâz che fasin sunsur sul « Messaggero » o sul « Lunedì ». Ches' 'e àn aprovâz e mandâz indenant i o. d. g. e lis mozioni cuntri l'autonomie, in non di un milion di personis. Cui a domandât a chest intion cemût che la pensin? La pini part dai consejs comunai furlans za un an 'e àn rispindût a favôr di une autonomie che no jere speciâl, ma che jere ancjemò autonomie: plui, tart a Rome san stadis gambiadis lis cjartis in taule, e nome dopo di ch'è gambiament s'è scomenzât a fexêl di autonomie speciâl, parœche l'autonomie normâl 'e jè ridusude a une pajazade buine paj dordei. Noaltris no d'sarin che duc' i furlans 'e s'edîn cun nò: la grande part no son nò di ca nê di là, no àn capî nje no si son interessâ di nje. Ma se i avversaris 'e uelin propit contâsi 'e rivanan vadi, vadi a un miâr, e noaltris no stentaressin lât a cîri

dongje almanco tantis firmis di imêju duc' tune volte.

Lis minoranzis

Seconde bausie: lis popolazions di altre razze e lenghe, che pueidin muvî in Trentin e in Vaidoste un ordenament plui lare, e son une minoranze trascurabil in Friul. 'O vin za publicadis plui di une volte statistiche che no pueidin jessi altri che approssimativis, ma che son obietivis tant ch'al è pussibil: posse cent cumons e fraziions de Sclavanie e une decine di pais o paisuz todeses: pœ sâ pœ jù sessantemil scêls e dis mil todeses. In Vaidoste si calculin setantemil frances; in Bas Tîröl da cent e vint a cent e cecante mil todeses (numars approssimaz anche ches). Par fêle viodi plui pizzule cheste minoranze, si

cîr di nò contâ chei scêls che son sot dall'Italie dal '66 in ca, e di dâ ad intidi che chei no son scêls e ne fexêlin scêls; ce sono, ce fexêlin alore? Anche i frances de Vaidoste e i todeses dal Bas Tîröl e i scêls dal Gurizian 'e cognossin e, pœ a trop, 'e fexêlin talian, juste come i scêls de vecje Sclavanie. Pâi antiautonomisc' la minoranze 'e sarsin formade nome dai scêls comunisc', che no domandin autonomis ma 'e domandin l'unione cu la Federative di Tito. Ma ches al è almanco un criteri dal dut gnûf e origjâl di misurâ lis minoranzis: nissun lu à mai doprât fintremai uê! I se si al fexêl scientificamentri, tignint cont che il furlan al è une individualitât linguistiche di bessô, alore dut il Friul al è a bi- (e va indenant in 2. pagine)

AUTONOMISC' IN PRESON

Al è za squasi un mès che il questôr di Roverêt, in Trentin, al à fat cjapâ e meti drenti i segretari gjenerâl dal Movimento Autonomisc A. S. A. E. (ch'al è s'ancôr il plui moderât dai moviment trentins e sudtiroles), il president de sezion di Mori e altris doi aderenz al moviment.

Par ce reson? Ma parœche comete dis prime, in tun comizi autonomisc tignût a Mori, la sezion locâl al jere presentade una tune bandiere che veve i colêrs e l'Aquile de Regjon trentina, e al comand di ritirâle, chei che la portavin 'e vevin fule qualchi resislenze. Prime di ch'è volte in tantis adunadis e in tant comizis di autonomisc, anche te stesse citât di Trent, 'e jerin com-

paridîs lis bandieris de Regjon nissun vere ziaris boeje. Ma cumò si sta strenzint la vî di dutis lis bandis. Di chi a un pœ al bastarâ vè indenant l'autonomie par là sul taulaz.

Fra qualchi di al sarâ il procès cuntri ches'... delinquenz, 'e 'e viodarin se in cheste Italie, duta che ognâ altre di si vîmpin cunestis, si feris, si bruse, si cope par odio di partiz, e dopo magari si met dut in tasê l'autonomisc' di Roverêt e di Mori, che àn tirade fûr une bandiere regional, 'e rizaran adore di puartâ fûr li coven!

Intant al Segretari De Fant e ai s'ei compans 'o mandin un guri e un salut di solidarietât, a cost di là drenti anche nò.

Cinc baustis

(seguit de 1. pagine)
Fugue o, gjavant i bassarui d'imporazion.

Ge esal gambiât?

Tiarze baustis: la situazion internazionâl che veve consest chest mès di jûg a un ordenament speciâl par Friûl, e se cambiade e no la domande plui. Chesti si che je biele! Ce ari gambiât dal mès di jûg in ca? Ce tratât, ce modifiche, ce spostament di confins, ce gnovis condizions etnichis si sono verificadis? La ratifiche dal tratât di pês — formalitât inevitabil e praticament insignificant parçè che il tratât al s'arès in vigôr — no à tocjadis nè pœ nè trop lis condizions che jerin bielâ stabilidûs dutis, de prime, e ultime, quan'che la Constituent 'e aprovave l'art. 108, cu l'autonomie speciâl par Friûl: e al è ridiul cûl di dâ d'intindî che i deputâts vevin aprovât cu la speranze di otignî Triest o altris teritoris prime de ratifiche.

E son di chês scusis che fasin juste dâl...

E' baste la peraule!

Quarte baustis: i diriz des minoranzis scâlvis no an bisugne di jessi garantiz da un ordenament speciâl: 'e baste lis disposizions gjenerâls de Costituzione e la ziviltà democratiche dai talians.

E parçè no bastino ancje par Bas Tiroi e pe Val d'Aoste? Anò bastât finitremai nè lis garantiz fatis dopo che altre uere? Anò bastât doi tratât internazionâl che siguravin un tratament resoluât al Friûl Orientâl e che no forin mai metûz in esecuzion? Al è di quan'che je rivade cul l'Italie unitarie, che l'opare di inbastardament, di nazionalizzazion, di opresson — al ven a stâj di educazion nazional — des minoranzis 'e va indenant simpri cui ates metodos: la pulitiche fasciste no je stade, su chest cont, piês di chês libêr di prime, nè piês di che democratiche di cumò.

L'Italie no à diriz di pratindî nessun credit a chestis promessis: 'e à simpri dadis lis plui brutis provis; e in chest moment 'e segulte a dâs, tant cûl, che in Bas Tiroi. E dut par so dam. L'inspienze de burocrazie marocchine in chestis regions 'e je alc di colossâl.

L'autonomie pericolose

Quinte baustis. L'autonomie speciâl dal Friûl 'e jere une cjose pericolose.

So provassis a domandâ parçè, us rispundin: « Si la capis a colp di voli » e di plui no si spiegjin. Come i fruz quan'che disin: « Parçè di si! ».

Sot di chest « parçè di si » ognidun al plâte il so pinstr: parçè che 'e son i comunis che la uelin, 'e alorè... Parçè che son stâz i esponentis democristians a provocâ e alorè... Parçè che 'e pò siarvî di scuse a Tito e alorè... Al ven a stâj che baste chesta confusion di ideis, par mostrâ ce fondament che è l'obiezion.

In realitât no je l'autonomie che constituis un pericol par Friûl: 'e je la nestre malandrete situazion. Cuiintr chest pericol ce difese 'e puedie implantâ? Une difese militar? E ven voe di ridi, ma in ogni

mât nissun ordenament speciâl nol intrighe la Difese militar. Une difese diplomatiche? Poben nissune autonomie no riuarte la pulitiche 'e stare.

Une difese psicologiche? E quale difese psicologiche ese miôr di un irregul di libertât lassade es popolazions di confin? E qual pericul psicologic esal piês di un tratament di prepotenze, di sfrutament, di incomprension come chel ch'âl è stât doprâ e che sigurament al vignarà doprât di chj indenant cu lis minoranzis?

W La Pace! L'Esercito!

Domenie, 26 di otubar, pelandronant pe zità, 'o soi restât di stanc: ti viodi sù pes colous e se poi mûrs une lujante di manifest', che pardabon mi vigni di domandâ mi se 'o jeri sveât o se 'o mi insuamiavi.

Une volte, quan'che 'o jeri frut, al pareve di mode che, in ocasion di manifestazions dal militar, quelchi socialist al lès par qualche di in galere, parçè che al si dispensave manifest' cuintri la uere e di conseguenze cuintri lis fuariz armadis e lis spesis improduttivis. Ma cumò il mont al è propit voltât!

La Cjamarè dal Lavôr e duc', ma propit duc', i partiz di zampe, e cum l'or lis feminis talianis (maris di famè!) in tun manifest ti fasin tant di salut al gnûf esercit (150 miliarz ad an). Se si fos tratât dai partiz monarchic, libêr, e cussî vie, mi varès parût naturâl: chei, nol è di dâsi di metarvê se ur plês di rumâ ambizions e gjoldis par l'or tradizionis. Ma, chei zampins cûl po'... che si tchin a fâur la concurrenzê...

Ce strategie pulitiche, ce tatiche incantatorie: tu mi ciris dâur, e jo ti soi denant; tu mi ciris denant, e jo ti soi dâur; tu mi ciris a zampe, e jo so a' direte! (Come pe quistion da l'autonomie!).

E ce ano otignût cjaminant par chel troi?

Ma chest a mi cumò no mi interesse. Mi vegnin javerzât i scrîsui a pensâ cemût che ven remenade la biade int. Di fat, ce deleghe ano vût i caporions de C. d. L. par firmâ fra mîz di chei partiz, là sot di chel boe di manifest? Sono chestis lis funzions e lis atribuzions di une Cjamarè dal Lavôr? no âe altris ce fê? E âno savût alc di chesta pensade i l'or bîz organizzât? Ce democrazie curiose che nus tocje di viodi! E chei altris caporions dai partiz, âno domandât es l'or pioris ce che varessin pensâ di un boip di man cussî contrari al spirit tradizionâl dal lor vanzel? Al pâr che no si usi.

Ma, batansi in la sostanze de quistion, ricuardin a chesta int che no si pò siarvî in tal istès timp il Pari eterno e il diavol, e che tai libris de sapienze dai Sâvis si cjate une massime: « e je une tîz strade che ai tûm in pâr direte, ma che invezzât 'e mène a la muart ».

Noaltris, che 'o bramun cun sinceritât la pês e la solidaritât fra

E quant mai la Jugoslavia 'e vudè bisugne di scusis par fâ che che i comude? E se i conventassin, 'e son propri i antiautonomis che 'es prontin: l'opresson des minoranzis.

Lis veris reons di chesta opozizion, che pal moment 'e je rivade adur di fâ un biel pont, 'e son: la pore che no resonè, par cui che nol à la cussienze nete; il velen e il spîr di vindic par chei che an vudis malisgrâzis dai scâs; la faziositât dogmatiche dai partiz; l'imbotidure nazionalistiche che sglonfe i budiei ai plui stupidiz; l'interes personâl pai foresc; e par duc chei che an un cadregjin o che ur va ben cussî. Cui chestis bielis reons 'e an vinzût un rago: 'e puechin tignisi in bon!

Plui juste di cussî!...

duc' i umin de tiare, noaltris 'o vin riviel di chestis pantumins di partit. E chei quatri cjarôz armâz, in timp di uere atomiche e batoriologiche, nus fasin menâ il ciâf. Lejêt in riviste « Sapere » (numar di otubar); e cjaratâr che si son bielâ mitudis adun un grumut di chês bombutis di cumò (e lis gnovis al pâr che 'e sedin 50 e 100 voltis plui di efiet di chês di Hiroshima); e ricuardâsi che, chesta volte, no si varâ une uere atomiche, ma dome un atec atomic (Einstein).

No covente sbarâ chês robate o par tiare o par alar; al moment che

FURLANIS IN SVIZZARE

Al come il « Gazzettino » dal 22 di març che a Schaffhausen te Svizzare tedesce 'e je une fabriche pe lavorazion de cjanape, indula che son impiegadis un centenâr di frutis furlanis. Il paron Fritz Reber, ch'al cognôs il polam, al à olât vè nome furlanis e lis à cjaradis cence passâ pes trapulis dai ufizis stâi di emigrazion, trantant diretament cun l'or, midiant il jutori di un predi svel. Di chestis lavorantis il paron al è propi contenton, e l'or 'e son contentis

dal paron: no son tant contentis lis todescis dal lûc, che an rabie de l'or precision e de l'or ativitât.

Lis furlanis 'e an par quartir dut un plan di une grande costruzion, che l'or 'e an basade « Vile Furlane » cun bielis cjamariis netis e lustris, une cusine par l'or cont, cu la coghe furlane, è une capelute pes l'or devozion. Il lavôr in insieme, 'e van a spîs insieme, qualchidute, nancje dilu, 'e à za cjarât un fregul di morôs, qualche alor 'e je dâur...

Spesadis pult e quartieradis, 'e rivin adur di mandâ a cjase un 20.000 francs al mès che la direzion 'e pense a fâ rivâ cence che còlin sot i sfrutament dal gambio.

Al ven a stâj che al bastâ gjavâ si des sgrîfis dai ufizis talians par che lis robis 'e vadin benon, cence berdejs e cence camoris.

Svelz i parons dal vapôr talian! 'E an metude pâr prime la Regjon Siciliane pensent che varès fâte qualche crofe. Si capis che le à fate! E cumò cun chês scuse 'e strenzin i cordons a chês altris Regjons.

Autonomie de lenghe

Statût de Regjon Trentino, art. 24:

« Al ven garantît « as tre nazionalitâtz (italiane, todescje e ladine) di podè doprâ liberamentri la l'or marilenghe, di vè scuolis te lenghe natîve e di vè rispîetadis lis l'or custumanzis e lis l'or tradizionis sedi te vite publiche, sedi te vite private. »

I ufizis dal Guriâr Regjonâl 'e rispîndin dopant la lenghe a cui che si presente, s'al è talian, o todesc, e pussibilmentri ancje s'al è ladin: istes 'e fasan chei altris ufizis che si cjatin tai cumons duc' che si ferdin lenghis diferentis ».

Statût de Val d'Aoste, art. 67:

Te Regjon de Val d'Aoste la lenghe francese 'e à dignitât di lenghe ufiziâl come la taliane. Lis cjaris publichis 'e puechin jessi scrîfis in lunc o in chêt altre lenghe cence diference, gjavant lis sentenzis da l'Autoritât ludiari che regnin fatis in lenghe taliane. Lis Amministrasons Stâtis la l'esplicazion des l'or atribuzions e dai l'or serviziis 'e son obleadis a sietzi e mandâ in Val d'Aoste di preferenze funzionaris nassâz te Regjon o che cognossin la lenghe francese.

Art. 68: Tes scuolis di ogni ordin e grât che si cjatin te Regjon, l'insegnament al à di jessi fat in lenghe francese e in lenghe taliane, in chel numar stes di oris par setemane... Tai cumons di lenghe todescje de Val di Gressoney al ven fat ancje l'insegnament dal todesc.

Furlans!

BIRE MORET

TREVISAN

Machinis par scrivi e par calculâ
Accessoris - Riparazions

Contrade di S. Francesc d'Assisi 1a - Udin - tel. 6-04

TINTORIE LAVADURE A SUT

COMINO - Udin

Lavatori: Contrade M. S. Michel 7 - tel. 16.82

Negoz: Riva Baruffe, 7 - tel. 14.19

Qualunque lavôr di pulidure a sut e tinture su piezzamente e vistiz

Si rimetin a gnûf cjapiej di omp - Lavôr ben fat

Consegno in pœc timp.

Licôrs 3 P

Aperitif P 3

CANDOLIN

SIROPS DI POMIS

Il caffè dai fradis Mation
al è simpri il plui bon
Gurizze e Udin
Vie Vit. Venit 6

Di us al merti, parons dal vapôr!

UNE FRANÇJE PROTESTE DAL M. P. F.

Il Moviment Popolâr Furlan, a peac savût che l'Assemblee romane 'e veve rimangjade la so decision sul cont da l'autonomie furlane, al à mandât a l'Assemblee stesse, al so president, al president de Repubbliche, al president dal Consej ai deputâts furlanis e a qualche altri chest telegram:

« Applicazione provvisoria al Friuli-Venezia Giulia dello Statuto normale costituisce un compromesso contrastante diritti già for-

malmente riconosciuti dall'articolo 108 in accoglimento volontà maggioranza genuina popolo friulano, aristamente falsata da ristretti circoli nazionalistici. Lo Statuto normale nega le facoltà legislative indispensabili per la vitalità della regione. Non è concepibile un'autonomia che non riconosca facoltà di legiferare in materia di acque, scuola, fisco, polizia regionale e problemi confine. Deprechiemo risorgente ventrismo continua-

toro sistema ventennale soffocatore delle libertà locali e di ogni libertà ».

Al deputât Zuccarini, repubblican, l'unic ch'al à difendût cence pœre la cause dai autonomis 'e denunziade l'ilegalitât dal provvedimento, al è stât mandât chest altri telegram:

Ringraziamo sua opera in difesa dei già riconosciuti diritti del Friuli.

ZOVENTÛT

In chê sere Bepo al rivà sivilant
u cjas di Marie, la sô morose. Al
jere di buine lune parçè ch'al ve-
ve finalmentri cjàpât un lavor di
madagnâ pulit. Cussî car quicchi
an di sparagn al varès podût spo-
sâsi.

Al vintzê il puartel dal beara e
i ocâs i corêrin incuintri beache-
lant, cu la ande di bechituna dopo
la voltêrin strade.

Catine, la mari, 'e jere daûr a
dâ di bevi es vacis e, a viodin cus-
el legri, j domandâ ce ch'al veve
di biel.

— Doman 'o voi a vore — j ri-
spuindê tai.

— Ti trai, 'o crotolvi che tu ves-
sis vintzê 'e Sîsol!

Catine no jere nuss contente
di chel morôs: Marie 'e varès me-
retâ: ale di miôr, biel e buine co-
ma che jere: Anzulin, par esempi,
ch'al veve chist d'inzugârle l'an
passât e ch'al veve dâs cjàmpûz
di so. Ma jê no oleve contrasi la-
fie: j plaseve Bepo, par in cano,
e che s'al cjoles. Mah! Quan'che
si è zovins si vole cence alis e no
si pense 'e vite plene di strusim-
menz.

— Dulâ = Marie?

— Tai ort, a ricuej une grampe
di lidric.

Eco: nome tal cjàf di viodisî,
lôr! Nome morôs.

Svelt tan'che un scriz, Bepo al
corê tal ort. Marie 'e jere scruf-
fjude denant il un strop cul so
zeut di filistrin dongje.

— Marie, Marie!

— Ce astu, basolat?

— Sastu ch'o voi a vore doman?

— 'E jere ore! Sedi landât lidiu.

Bepo al si butà par tiare in sin-
ton, dongje di jê, che spesseave a
tajâ clambris di lidric, cu la muse
contente e cui volî ch'al cirive di
no lassâ viodi nufe. La cjâlâ fis e
al restâ un moment cidin; po', un
pôc sudizionôs j domandâ:

— Sestu contente?

— Noustu ch'o sedî contente?

— Ma no plui di me. Jo 'o soi
plui content di duc' — j disê
pojan une man sul braz di jê. —
'O cjàpi pulit, sastu, Tra un an,
un an e miez, 'o podarin sposâsi.

— Ih, ce che tu coris!

— No tu mi nellis plui?

— Po'!... Mat.

— Ninine la mē Mariute! Dami
une bussade.

— Urcie vie!

— Ma Bepo la bussâ. Dopo di-
stacê, jê 'e tornâ a tajâ lidric svel-
te, e un pôc rosse in muse. Bepo
al cjàvê un fîjêr ch'al lassavê cu-
câ tra lis fucis, tocûz pizzinis di
câ. Ma j plaseve di plai Marie e
al tornâ a cjàlê.

— Ce fastu, Marie? Veso di

mangjâ nôme lidric usnot?

La frute, 'e cjàlâ il zert; 'e de-
ventâ ancjemò plui rosse.

— Parçè? — 'e mormajâ.

— Mah! Mi par che tu âs tosât
squat, dut il strop...

La cjàvave fîsse e al rideve. 'E
ridê ancje jê. 'E jàvârin sô, 'e
lêrin fîr insieme, i gânsi a braz,
e ur pareve che il mont al fos de-
ventât il paradîs.

Quan'che Catine ju viodê ca-
pitâ in cusine cum ducê chê ligric
pôtarede su la muse, 'e pensâ un
moment 'e sô primevere passade,
es sôs tantis strussis; 'e menâ il
cjàf e, cjàpât sù il bevaron pal
peret, 'e mormajâ a planc:

— Zoventût!

LELO

Sot la nape

Storiutis di une volte

Il cjàpiel sul cjàf

Un re al jere lât a cjàzze. Dislon-
tanât dal so seguit, al cjàtâ un bia-
daz dal pais, pojtê dapnât di un
len.

— Ce fastu li? — j domandâ.

— 'O soi ca par viodi a passâ
il re.

— Se tu fîs — al dis il re —
monte sul miôr cjàval a jo ti me-
narai in tun lûc dulâ che tu po-
daris viodilu dal sigûr.

Il par omp al montâ sul cjà-
val e, biel lant indenant, al do-
mandâ cemût ch'al varès fat a
cognossî qual ch'al jere il re.

— Baste che tu cjàlis cui ch'al
ten il cjàpiel sul cjàf intant che
duc' che'altris lu varan tirât jù.

Quan'che rivârîn dulâ che jorin
che'altris cjàzzadôrs, duc' chei
siors si gjavârîn il cjàpiel.

— E alore — dissal il re al cam-
pagnûl — qual esal il re?

— Ma, siôr... 'O vin di jessi
o vò a jo, parçè ch'o sin nôme
noaltris doi cul cjàpiel sul cjàf!

Al clamâ l'ustir e j disê a fuart,

Un mercejadant al rivâ, une sere

d'invîr, in tune buine ostarie.

Une trope di int 'e stave inlôr
di un gran fogolar indulâ ch'al
selopetave un biel fugareli, ma nis-
sùn si scomponève a fâ un fre-
gul di puest al forest. E lui, mo'
ch'al veve frêt a al bramave di
scjaldâsi a'ndi pensâ une bieie.

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

Al clamâ l'ustir e j disê a fuart,

par che duc' lu sintissin:

— Bisugne ch'o puartais subit
une dozene di ostrighis al miôr cjà-
val.

L'ustir al restâ instupidît a sin-
tisi dâ chel ordin, ma pûr al ubidi.

La int che jere li, incurioside
di viodi cemût che un cjàval al
fasseve a mangjâ ostrighis come un
cristian, j lè daûr e duc' 'e jen-
trârîn te stâl.

Cussî il forest, restât bessol in
cusine, al si cjàpâ il miôr puest
sot la nape e al podê scjaldâsi don-
gie dal fûc cum duc' la comoditât.

— Ch'al sinti, siôr — j disê
l'ustir pœc dopo, tornant in cus-
ine — come ch'o mi spietavi, il
cjàval noj il sàvênt des ostrighis.

— Po' ben — al rispundê il
mercejadant ridint — al il di che
mies puartareis a mi, cheste sere,
di cene.

E, dopo scjaldâz i ues, al si
tirâ subit in tun bon puest ancje
dongje de taule.

LIE N.

CARTULINIS DE ME VILE

Il mulin vieri

Parmis dal besc al un mulin
vieri. Pizzni. Fêr.

Nome l'aghe, in bande, 'e mar-
cêlê jù par duc' i clas rissis di
musclis. La muele 'e je in tocs.

Al è un cocolâr sul ôr da l'ag-
he e, plui in jù, cinc pœi che an
i pîs te roet e sot, sul prât, une
muele rote. 'E stâr di bancje cu-
mâ. Par jentri dai tocs, dâs dongje
malamentri, al ven fâr qualchi fro-
di jarbe sufîl e pâlit. Altris dôs
pîris di muele, intieris, 'a son
pojadis dapnât dal mûr.

Il pintut di len al clope tan'che
un nizzul a passâ parsove.

Il troi al mene, par dentri dal
bosc, sul cucl, passant dongje des
medis di scêre, daûr de cjase.

Bessole su la fazzade une vecje
Madone lade jù di colôr, 'e rit
dentri di une inconute laronde.

Nome la rûe 'e prêe, di soresere.

Il balcon viarl

Un balcon al è viarl a rispîr il
soreli.

Sul antîl, un vasut di fucis al
lasse pendolâ jù pal mûr lis sôs
lagrimis di sauc.

Dentri de stanzie, sul miesdî, 'e
rivin lis cjantis di chei che son a
seselâ li dongje, le bruide; e lis
vôs dal gjalinâr. E il râl, il sol
al fâs la lune sui veris, come un
frut mateon.

Sclâf o furlan? CERNEGLONS

Cerneglons al è un paisût pittât
fûr di man, tra la Tor e la Maline,
indulâ che chestis dos agn's si
unissin tra di lôr. 'O sin duncje
a man zumpê de Tor; ma, ancje
a man drete, a mieze strade, cum
Fredeman, al è un grop di cjasis,
plui pizzul, ch'al si clame istês
Cerneglons: anzit Cerneglonis vie-
ri. Pararès duncje che cheste se-
conde part di vile 'e sedi plui an-
tighe de prime; e si po ancje pensâ
che Cerneglonis vieri al sedi stât,
sicut indur, in gran part bando-
nât par vie dai dampis faz de Tor
su la rive drete. A chest proposit
'o cjàti che mous. Degani, a pag.
18-19 dal so libri sui statûz di Co-
mune di Cerneglonis (Vignesi, 1882), riferinsi
a un document dal 1693, al dis che
la Mense di chel Vescul 'e veve a
Cerneglons un biel grumût di re-
be, ma ch'è rindeve pœc a nufe
«par jessi stade puartade vic qua-
si dute dal Timent! (1)». Ma cui
che a Cerneglonis al devi vè vude
une vore di tiare, 'o pensi ch'al
sedi stât il Cjapitul di Cividât; di-
mût che, ulint fâ un fregul di storie
de vile, al varès indispensabil, pri-
me di dut, spulzinâ ta chel archivi
o in altris archivs di chê zità, par-
cêche Cerneglonis al dipendeva, in
fat di jurisdiction, de Comunitât
cividine. Cumò la vile 'e je sot de
Comune di Remanzês.

De antighitât il Cerneglonis si
sa une vore pœc. In tun librit dal
secul XIII, conservât tal archivi
dal Cjapitul e indulâ ch'è son e-
lencâz duc' i situai, in cjàf a un
pagjine si cjàte scrit: *de Cerneglonis*.
'O riten che chest al sedi il docu-
ment plui vieri; ma, se si vès la
pazienze di ripassâ lis pergamenis

dal Musco, cum dute probabilitât si
cjàtarès forsît qualchi memorie an-
cjemò plui indafr.

Un altri document antîc al è
chel dal prim di avost 1296, indulâ
che si fevele de «Roya que vadit
de sub Savorgnano per contratam
viliarum Grilkons, Remanzacho,
Orzano et Cerneglonis» e di «co-
mune et homines ville de Cerneg-
lonis».

Dal tresinte i document si fasû
plui frequenz e si cjàte simpri scrit
Cerneglonis o *Cerneglonum* (forme
latinizade); dome Marc'Antonio Ni-
colêt, storc e notâr cividin (se-
conde mitât dal sec. XVI), al fîl
dâj forme taliane e al scrif «la vi-
letta amena di Cerneglonis»; ma
cencê fregul di furtune.

Il fat di cjàtâ simpri cheste for-
me in-ens, anzit in *glons* al è
un mont di impuartanze.

Quale èse la lidris dal non di
Cerneglons?

Se lu domandâs al popul, lui us
rispuint subit: *cerneli* (sarneli,
tal. «fronte») tant al è vèr che
ancje tal Vocabolari dal Pironi al
è mitât l'esempli: al è di *Cerne-
glons*, par di che un al il cerneli
grant. Ma la jnt che si di lêtare 'e
rit di cheste spiegazion e 'a ti fâs
invezit tant di cjàpiel a ce che di-
sin un Prosper Antuain (*Il Friuli
orientale*, pag. 85), un Czoernig
(*Das Land Görz und Gradisca*),
un Rutar (*Colonia slovena in Friuli*),
un Musoni (*I nomi locali e l'o-
limento slavo in Friuli*). Chese
studiôs, viodint che Cerneglonis al
scomenze cu la lidris *ern* (cern),
che in sclâf al ul di neri, 'a ti an
sentenziât che Cerneglonis al è sclâf
come che son sclâs Cernagora, Cey-
naroda, Cernipalok e vie discuriat.

Jo, mo, 'o dis: ancje i fruz di gi-
nasi 'e sâc che corni al ul di neri;
ma nissùn ancjemò al è stât bon di
spiegâ, cui sclâf, la seconde part de
peraula: *-glons*, mentri che cul fur-
lân si spieghe benjessin: *voglonis*, *ap-
noglonis*, *oreglons*, indulâ che chest
-gl al è carateristic di divarsis pe-
raulis furlanis (*seglât*, *seglâr*, *no-
glâr*, e cet) e al cjàte la so spiega-
zion tal latin, come ch'o vin vi-
dût a proposit di Naarêt (15 di lui).

Tal Vocabolari 'e maneje la pe-
raule *cerneglon* tal pens di *cerneli*
grant; in realtât, però, 'e esist,
e jo le ai sintude a Sudri, indulâ
ch'o âj imparât un biel grum di al-
tris peraulis che no si cjàtin sui
libris.

In conclusion: Cerneglonis al è
furlan di plante fûr; e a cui che mi-
dirâ che «cerneli grant» nol ta-
che masse come non di pais, 'o ri-
spuindarai che nancje *Levrans* (co-
mune di Iplis, tal. *Leproso* «ma-
lât di lebre»), gol tache; e che nol
tacarâ nancje *Gjavons* (comune di
Rivis d'Arcjan), ch'al â, tai docu-
menz, la variant di *Cjavons*!

Ad ogni mût, 'o vin in Friûl,
un bon centenâr di chese nons in-
-ens e nissùn, par cont gnò, al è
muse sclave. Quant al -s final, pa-
rarès tratâsi di forme plurâl; ma
podarès ancje sê un s zontât, qual-
chi volte, par chê tendenze che è
la nestre lenghe a doprâ une vore
lis sibilanz: baste pensâ ai tanc'
Cjastions, che, apene fûr dal Friûl,
'e diventin *Castion*, *Castiglione*, a
Moimans, a *Bizilis* (Billerio), a
Cjastilts, e cet.

DINO DAI BAS

TITE

Une pagine dai Florêz di S. Francesc voltade par furlan

Fra Zeneul

Cemût che fra Zeneul al dave ai puars
ce ch'al podeve par amôr di Diu

Fra' Zeneul (chel compagn di
San Francesc ch'a'ndi cumbrave
simpri di bielis) al veve tant dâl
dai puars che, quan'ch'al viodêve
qualcitudun mal in sest, al spes-
seave a gjavâ fûr la tonie a la cape
e la dave a chel biadâz. Par chel
il uardean dal convent, une volte
j ordenâ, par virtût di nobidienze,
di no dâ plui vie ne tonie ne capûz
a nissun.

Par combinazion, dopo qualchi
di, fra' Zeneul al cjàtâ pe strade
un puaret squasi crôt, che j do-
mandâ la caritât in non di Diu.
E il frari alore j disê:

— No âi nuj'altri, nome la to-
nie. Ma il Pari Uardean mi a co-
mandât par sante ubidienze di no
dâle a nissun e di no dâti vie nan-
cje un tocet... Paraitri, se tû tu
me gjavis d'intôr, jo 'o lassarei fâ.

E noi cjàcarâ di bant: dal mo-
ment il puar j gjavâ la tonie di-
sleddrosante, e po' s'e torâ in bu-
ride lassant il frari dispuest a cja-
pâ il fresc.

Tornât al convent in chel stât j
domandârîn, a fra' Zeneul, dulâ
ch'al veve la tonie. E lui:

— Un bon omp m'è a gjavade
di duc' e al è lât vie cum jê.

E diventant simpri plui bon cui
puars, nol si contentave di dâ vie
la tonie, ma al dave libris, man-
telinis e fintremai i paramenz de
glesie: insumis dut ce che j capi-
tave tes mans al jere dai puarez:
i fraris no podevin plui lassâ fîr
nuje, par vie che fra' Zeneul al
netave dut e al regalave par amôr
di Diu.

A laude di Crist. Amen.

(trad. di Rino Borghello)

Par slarà la stae dopo scjampâz i bûs

Une peraule par omp...

Ai "furlans", di Gurizze

Anche a Gurizze 'al sarà qualchidun ch'al si frêe lis mans cumò che il pericol di une vere autonomie regional al è — almanco provvisoriamente — sconzurat.

Si veve l'idee, cul a Udin, che i gurizians, ussê fintremai al 1917 a vivi in clime di autonomia e sot un paron, ch'al podesse vè il tuart di essi todesco, ma no chel di no savê governà, 'e fossin un fregul più: scêz. L'autonomia 'e jere une concession fate plui di dut in lôr favôr e tal lôr interes; e il statût speciâl che si stave preparant ur lassave une prevision privilegiade, al fâsve puest 'es lôr esigenzis, e al vignive incuintri, us lôr cundizions, une vore di plui di ce che ur sarès tocjât secont il calcul proporzionâl de popolazion.

Cumò 'e zercjarian l'autonomie normâl che qualchidun dai lôr esponentis al à domandade. Sot l'autonomie normâl 'e rappresentaran ta l'Assemblea regional di Udin une minoranze impotent: in qualunque contrast di interes cul element udinês 'e restaran simpri in piardide; la lôr vòs 'e restarà scjafojade — e democraziecentri! — da lis vòs di une majoranze cence confront.

Propri lôr che si son simpri tignûz in bon di vè une cussienze e une educazion pulitiche plui fate e plui sperimentade dai udinês; propri lôr che an simpri considerade une umiliazion insopportabil che di jessi in qualunque maniere sot di Udin, e che an fat il cjadaldian, za agn, co 'a Furlanie 'e jere stade unide in tune sole provincie cul capitol a Udin!

Lê, la sbigule che an di capitâ in man di Tito, la foto e il velen che an cuntri dai scêz — di duc' i scêz, senza discriminazion — no ju à lassê resonâ fregul e si son petade la sipe sui pla.

No an oîfât convinzisi che in tutez a lôr e cul a Udin 'e jerin tantis personis di cîf che fâsevin di dut par cjatâ une strade di intindisi ben, di vivi in concuardie senza pocâsi, di judâsi in non di ch'cumunance di razze, di lenghe, di temperament e di interes che je tra i furlans. 'E an vude pôre che sot lis bielis perulis 'e fos platade la zate dai comunis, la ongule di Tito, il tradiment. E al pò staj che sedin stêz juste lôr a fî il zûc dai comunis: che prôvin a sinti ce buere che tire a Grau e a Cervignan sul cont di passâ sot di Gurizze!

'E pensaran, salacôr, di podê ualivâ lis cuestis ai scêz, sot la difese da l'autonomie normâl: ma i scêz dai Gurizians no son i scêz dal Nadison, no vadin a Rome a fî che no san e che no uelin fevelâ par scêf, e nancje no an masse pôre des sclopis che san Nicolau al puarte ai sis di dicembar 'e canante.

Cûl domandâ l'autonomie normâl no an servide la cause da l'unitât parcè che ch'el pausadôr che si clame "autonomia normâl" nol disberdêe nissune des quistions che lôr 'e an in cjase; e quan'che si à la fuere e la division in cjase no si contribuîs a l'union dal pais.

Noaltris 'o sperin che, se no uelin movisi prin e metisi d'acordo.

un fregul di sperienze sot l'autonomie normâl ju fassâr ricordi. Che tegnin a menz che par justâ chest sbrego, lôr di Gurizze, 'e an in man fî e gusele: il *punctum dolens* al è là: il curtis pai man in an lôr. Se an vonde cîf 'e lassin di bande lis bufulis nazionalisticis che par lôr 'e son tantis bombis pericolôsis, 'e lassin di bande chês difidenzis, che no an fundament, la brame danade dal svindic, la zandule des provocazion in volte, la sclavitût dai partiz e pensant nome al lôr ben, 'e crein chel fat gûf ch'al po, salacôr, salvâ la situazion.

Ai "talians", de Sclavanie

'O credin di cognossi avonde ben quale che je la vere clime psicologiche che de vecje Sclavanie; e 'o vin strassadis lue vordê di peraulis par difindî ce che nus pareve just, sul cont di ch'el int. Di un bande, fassin cussî, 'o sin liz cuntri l'interes de nestre cause o almanco cuntri ogni criteri di tatiche, che nus varès consele di lassê stâ, par intant, un cantin cussî delicât. 'E 'o vin ancje piardût qualchi ani, di chei curz di viste.

No vin mai spandude une gote d'ingjustizie in servizi di un partit pulitic nè di diestre, nè di zampe, nè di miez: anzit 'o vin simpri pensât che nol è di infidasi dai partiz nancje quan'che fasin la biele misse, parcè che no an mai scrupul di gambile di vè a domân, su l'alchemie dal moment ur al consê: duc' compagns.

'O vin sbalgjât! I rappresentanz de Sclavanie (rappresentanz di cui?) 'e an vût côr di fâ savê a Udin e a Rome che la Sclavanie no je sclave, che i scêz no san, no capessin, no uelin fevelâ scêf. 'E son robis... che fasin colâ i braz.

'E uelin di che cheste enormitât 'e je stade fate parvle dai comunis che vevin domandade l'istituzion di senelis sclavis. No savin ce ch'al pò jessi di vè in cheste cjacare: ma 'o savin che, se qualchidun al disê che il sorel lu an impiât i comunis, i lôr avversaris 'e coraressin a fâi dâ la cjane dal muini par distudâl! Come che fasin, par cont lôr, i comunis, cuntri chei altris partiz: la discipline di partit 'e je la discipline dal muini! Puare in! 'E cul ripea la lôr lenghe e la lor razze, cul spudâ su la sepulture dai lôr paris, cul rifidâ tes lor senelis qualchi mestri dai lôr, credino di vè copâz i comunis, credino di vè disarmat Tito, di vè struçjate la Jugoslavia e di slontanâ ogni pericul! No ur vegniâ tal cîf di vè invezzi prontade une scuse, a chei di là, par intervignî in difese dai dîz de minoranze? Se vessin bisugne di scusis!

Intant ancje la lôr declarazion 'e à vût il so pês a Rome, in chel biel servizi ch'al è stât fat: 'e Furlanie. Cussî 'o starin benon noaltris furlans, ma lôr, scêz, 'e staran ancjemò miôr! Ma che no stedin a vignî a lamentâsi se domân 'e saran obliât a scunâsi in qualchi cjanton: e spî che nol vegni il carabini, prime di fevelâ la lenghe fî lôr mâr; se scugnaran sudâ siet

cjamesis a piccûl chel talian ridicul che dôprin lôr; se i lôr predis 'e scugnaran predicjâ ai bancs, parcè che la lûr 'e capirâ pôc e nuje di ce che disaran... Che no stedin a vignî a lamentâsi se — sot la difese da l'autonomie normâl — 'e saran simpri i ultins, i fîs de masarie, se nissun ju scolârâ, se i cabibos 'e seguitaran a fâ ak e bês in cjase lôr, a ridiur in ghigne, a spudâur parmis. S'e an olude!

Che tegnin a menz che ch'el no jere nome la pulitiche fasciste: 'e jere la pulitiche taliane, dal '66 in ca. Il lôr storie Carli Podrecca — un patrioton! — al conte che ancje za sessant'agn, sot dal gubîr liberal e democratic, te preture di Cividdât si fevelave di moel in preson i scêz che no savevin spiegâsi pulit par talian, e se olevin vè un interprete 'e vevin di ciril e pajâl di bessoi. In ch'el volte no jerin i fascis.

Poben: noaltris, furlans anis de pês e de libertât, ur vevin presençie la man par judâju. Lôr — o almanco une part di lôr — scêz pardabon, ussê a vivi sot paron — a ubidî e dâ rason — nus 'e an mûsardade. Pês par lôr!

Ai "veniz", di Pordenon

A Pordenon, gjavant qualchi temâl segonf di ilâz ultramontanis, i caporions da l'oposizion antiudinês se no an di vè fate cjoche parvle des ultimis decisions di Rome. La autonomia normâl ju lasse dentri te Regjon furlane, dentri te provincie di Udin, sot di ch'el vrac che Rome nus mande ca a governâus parcè che di bessoi 'o sin basoi di potentis bogh di nuje. E « Venesia » no pò fî nuje par lôr.

A Pordenon 'e son un grum di « personagios » che par jessi diventâ i ultins tra i Veniz 'e credin di jessi montâz un scjalin plui in sù dai furlans di ca da l'Aghe: e tratansi di fâ un dispiet ai furlans di ca da l'Aghe, c'm fasin siet di bessoi.

Ce âno nadagnât cu la lôr oposizion?

Se vessin vude avonde sepe te cœce, si sareassin metûz de nestre bande, magari puartant indenant l'ôr pratesis, stabiliet des cundizions resonadis tal lôr interes. I furlans di ca no jerin fregul contraris a tratâ cun lôr, e in tun ordenament speciâl al jere pussibil — par lôr, tant che pai Gurizians — fâ sînt il lôr pês e oîgni chês prerogativis e chês ricognossiment che l'autonomie normâl no pò dâur. Invezzi di siarâsi, duc' impicotiz come oxâz, te supiarbie de lôr « superioritât industriâl », invezzi di fâ i stomeghins denant di nû, come l'ultin de senela che, no podint fâ altri, al si sglofê i palmis denant dai senelârs de classe plui basse, 'e vevin di capile che a Udin lôr 'e podesvin jessi alc e a Vignesie no son nuje. Cumò no son nuje a Vignesie e nuje a Udin. Freolâz noaltris e freolâz ancjemò plui lôr.

Che? 'e son i soliz risultât di ducis lis barufis in famêe.

VITTORIO GASPARET
diretôr responsabile

Stamparie « A. Mazzoni » - Udin

dot. FALESCHINI specialista
MALATTIE DES FEMINIS
E DE PIEL
Contrade Brovedan 6 (fraz. Piazza)
S. Jacum e Contrade Zanon
10-12,30 - 16-18,30 UDIN -

CJASE DI CURE
« ANALGO »
par artritis e reumatica
UDIN
Rive Bartulin n. 1 - Telef. 11-40

A TRIEST

Tratorie dai vecjos cjazzadors

(Agli antichi cacciatori)

Vie Crispi, 5

Il local preferit dai viazadôrs

si mangje pulit e si bêt benon

presis moderâz

Proprietari Ciprian Toffoli (furlan)

VITRUM

DI M. MARTINI

UDIN - PIAZZE S. JACUM - UDIN

Il plui grant dipuesit

di porcelanis, veris e creps.

Dut ce ch'al covente in tune cjase

tant sciete come di lusso

VOLPE

Microveture
a doi puesc'

Cambio a 4 marcs indevant e marce indaûr a preseletôr
Costruite de AERO-CAPRONI di Trent - 'E costa 275.000 fr.

RAPPRESENTANT
par Udin e Gurizze

Rafael Scarton

UDIN Contrade Del Bon - Telef. 593

SIRIO

SAVONS PAR FA LISSIE

Savons di bon odôr
par lavâsi

Doprait SIRIO il savon preferit dai Furlans